



SULEQATIGIISITSISUT  
SAMARBEJDSPARTIET  
EM2019/146  
Tillie Martinussen

02. oktober 2019

**Uunga siunnersuut: Utoqqaat illersuisuat pillugu Inatsisartut inatsisaat nr. xx, xx. xxx 2019-imeersoq.**  
(Peqqissutsimut, Isumaginninnermut Inatsisinillu Atuutsitsinermu Naalackersuisoq)


Siullitillugu Naalackersuisut immaqalu ataatsimiititaliaq Meeqqat Illersuisuat pillugu inatsisip allannguutaanik uparuukkusuppagut, neriuppugullu siunnersuut unaq tassunga naapertuuttoq, neriuppugullu Innarluutillit Illersuisuat pillugu taamatut allannguutit takkutilersut. Aamma Parisimi tunngaviit toqqaanermi atornerqarnera siunnersuummi uani erseqqissaanermut tunngatillugu..

Qularutissaanngilaq utoqqarpasuit illuni aserfallassimasuni, fysioterapeutimik pisariaqartumik atuisinnaanatik ulluinnarni sulisut taakkununga tapersersuigaluartut taarseraattillugit ullumikkut inuusut. Utoqqaat nerisaat qeriaraanni ilaatigut alitsannartarpoq  
Aamma utoqqarnik ilisimsaqarpunga illumik inissiamilluunniit iluarsaanneqarnissaat pillugu suliaqartoqarnissaanik utaqqisunik, tassani issittup anoraanut aamma apummut sermimullu toqqaannaq isaasumut illersorniarlutik matserfiit ilagaallu saavi allarutinik asserallartariaqartarlugit.

Avannaanut angalaninni utoqqaat aappariit nuannersut Uummannami AirbNb-mut assingusumi najoqarfigisakka naapippakka.  
Angut oqaluttuarpoq Nuummumut siffiamigut suliaritikkiartornikuulluni. Suliaritereerama fysioterapiiliarsinnaanani angerlarpoq. Nammineersinnaanikuulluni – utoqqaagaluarluni – pisussinnaarniarunnaarnikuuvoq. Nammineq pisuttarnikuugaluarni pisuut atulernikuuaa. Qaammammiit qaammamut tassanngaannaq sanngiitsunngorpoq nukeerukkaluttuinnarlunilu. Junip qaammataani Uummannaliarpunga. Maannakkut nammineq illumini nammineq sananikuusamini ineqarani utoqqaat illuanni ineqarpoq.

Tamanna ajorluinnarpoq, taamatut pisoqaleriartornera ajorluinnarpoq, nunaqarfimmi avinngarusimasumiluunniit najugaqarnini pissutiginnarlugu.  
Sanngiilaaginnarani pisulluarsinnaallunili sapinngisamillu sivisunerpaamik najugaqarani napparsimalerpoq allanillu isumalluuteqalerluni.  
Tamanna utoqqaat namminnek angerlarsimaffimminni najugaqaannarnissaannik sivisunerpaamillu sulisarnissaannik Naalackersuisut siunertaannut akerliuvoq.

Aamma sumiiffinni assigiinngitsuni utoqqarpasuaqarpoq katersuuffigisinnaasamik sammisaqarsinnaanngitsuni aappartik toquppat nutaanik attaveqarfeqarfeqalernissamut inunnillu nutaanik ilisimasaqalernissamut periarfissaqanngitsunik. Immaqa ilaqqattatik inuusunnerit ungasillugit najugaqarput, utoqqaat misilittakkaminnik, inuunerminni oqaluttuassatik atorlugit nunattalu oqaluttuassartaata ilaatut tunniussassaqaraluaqalutik.  
Taakkua ullumikkut tatisimavagut.  
Ullumikkut neqeroorutigisatsinnit pitsaanerujussuarnik atugassaqartariaqarput.



**SULEQATIGIISITSISUT  
SAMARBEJDSPARTIET**

Utoqqaat pisuussutigaaqut naliuut Suleqatigiissitsisullu neriuutiginnigilluinnarpaat isumaqalissasugut inuusunnerit tassaasut pitsaanerpaat. Utoqqaat sulisut TASSAPPUT gultit qasertut najugaqarfinnilu mikisuni najugaqarsinnaasut naleqarluartut. Ullumikkornit annertunerungaartumik ataqqineqartariaqarput.

Allanguinerit tamaasa eqqaamavaat. Inunngortinnikuuaatigut, nerisaqartinnikuuaatigut ullumikkullu inuiaqatigiisunut tapersiinikuupput.

Utoqqarpassuit ilinniarluarsimasuupput, nukissaqarluartuupput inuullutillu eqqissisimasut isumaannik tusagaqarfigerusutagut. Tunniusinnaasaminnik misilittagaqartorujussuupput.

Taakku allarpassuarnit assersuutissaannaapput. Taamaammat Utoqqaat Illersuisoqarnissaannik pisariaqartitsineq isumaqatigilluinnarpaat.

Taamatut naatsumik oqaaseqarlunga siunnersuut una taperserpara, kissaatigalugu oqaasertartup saqqummiussinerat aallartinnerani allannguutit annikitsut tikkuakkagut ilanngunneqassasut.